

Estd. 1983

Reg. No. 386 (MZ)



MARAM

Ramhlun North YMA Chanchinbu

“YMA thuvawn: YMA chu tanpui ngaite tanpuitu



YMA thiltum: 1. Hunawl hman that. 2. Zofate hmasawwna ngaihtuah. 3. Kristian nun dan tha ngaihsan

Vol. 44

Issue No. 28

Ramhlun North: Ni 11 July, 2026



BRANCH THU

■ Ni 04.07.2026 (Inrinni) khan Branch YMA OB leh Committee member thenkhatte, YMA Memorial Park-ah sign board tarin an hnattlang. YMA Memorial Park hi Company lamin an luah mek a, nuam tawl nan leh ruihhlo tih nan a lo hmang an awm thin avangin phalna nei lo chu luh phal a ni lo.

■ MHIP Day wawi 52 na pualin MHIP, Ramhlun North Branch te chuan Chhianatni Fund atan ₹ 20,000/- lai mai anrawn thawh a, Branch YMA chuan lawmthu a sawi e.



SUB-COMMITTEE THU

■ **Kumpuan sub-committee:** Ni 6.7.2026 zan dar 10:30 vel khan Kumpuan sub-committee hmalakna in Whisky (bottle 6) leh Beer (Cane 25) Dinthar lam mi hnen atangin kan vengchhungah man a ni a. Amah leh a ruihhlo kaw l leh a phurhna Scooty hi Excise and Narcotics Deptt. te hnen ah hlan a ni.

■ **Thlanmual sub-committee:** MHIP ten an Day wawi 52-na lawmna puala thlanmual samfai hnattlan an neih naah Thlanmual sub-committee ten an ei leh in tur an buaipui sak.



SECTION THU

■ **Vanapa Section:** Kar leh chho hian in tinah thisen pe tura ngenna an sem chhuak dawn a, thisen pe tur hian Section huamchhung a a thei piang thawkchhuak turin an inngen bawka ni.

■ **Neuva Section:** Karleh ni 14.07.2026 (Thawhlethni) hian Section committee meeting neih tum a ni a, member ten hun remchang lo insiam nise.

■ **Khuangchera Section:** Ni 02.07.2026 (Ningani) zan khan bungraw enfel pahin Runmawi tihfai hnattlang an nei.

Library duty turte:

1. D Lianmanga, S-Sec.
2. Lawmsangpuui, S-Sec.
3. Timothy Lalbiakrema, S-Sec.
4. Josephine Lalthazuali, S-Sec.
5. Lalrokimi, S-Sec.
6. Lalremruati, K-Sec.

MEET THE AUTHOR, JULY 2026 HMAN A NI

Ramhlun North, the 11th July, 2026: July Ni 4, 2026 Inrinni chhun dar 12 khan YMA Library, Chawngbawla Runah Meet the Author - July 2026 chu a wawi hnihna atan hman leh a ni. He hun hi Lalhrualtuanga Chawngte, Mission Vengthlang chuan arawn hmanpui a, Branch Treasurer leh Library Sub-Committee OB i/c Pu Rorelliana'n a hmanpui bawka.

Meet the Author Programme hi Pu Lalramnghaka, Vice Chairman, Lib. Sub-Committee-in a kaihruaia, Tv. Joel L. Hrahse, Asst. Secy. leh Nl. Elizabeth Llnuntluangi, Treasurer, Lib.

Sub-committee ten lawmman semna hun an buatsaih. Programme-ah hian puitling leh naupang mi 118 lai an tel. Lalhrualtuanga Chawngte chuan thu sawiin, Naupangte zinga Library-a kal ziah thinte chuan an hma hunah ruihhlo an tih a rin loh thu a sawi a, finna leh hriatna kawngah pawh



hma an sawnpui ngei a rin thu a sawi bawka. Tun hnaia Matric Result chhuaka rampuma pakhatnate chuan lehkhah chhiar an ngaih pawimawh thu leh an atchilh thu sawiin, an lehkhahu chhiar thin chu an result-ah a lan bakah Exam zawhna chhan an thiam phah thu a sawi bawka ni.

Library Sub-Committee interview zawhna a chhannaah Lalhrualtuanga Chawngte chuan, Ramhlun North Branch YMA Library thlen chin ang zaa sawmnga chin chauh pawh hi Mizoram hmun hrang hranga YMA Library-te hianrawn thlang ve ta se la, Mizoram chu a danglam dawrh a rin thu a sawi a ni.

Meet the Author-ah hian June 2026 chhunga Library hawn apianga kal kimte hnenah lawmman semna hun hman ngah a ni a, mi 65 hnenah lawmman sem a ni a, lawmmante hi kan Khuallian, Lalhrualtuanga Chawngte in min semsak ngah a ni. Visitor lawmman hi July atang hian chi hnihah then tum a ni a, Library member zingah visit apianga lehkhahu hawh ziahte hnenah lawmman pakhatna pek tum niin, visit ziah, mahse lehkhahu hawh chhuak lova lo kalte hnenah pahnhna lawmman pek tum a ni.

Branch YMA Library hian ngaihhlut a hlawh sawt hle a, Veng pawn atang pawhin Member nihrawn dila pekte an awm tawh a ni. Membership Drive hi veng chhungah neih zawh khat tawh niin, nikum aiin kumin member an punga, tlawmngaia member nihsakte hnenah lawmthu an sawi a ni. Member thar ni duhte tan Inrinni a Library hawn apiangin kum khat atan ₹ 100/- pein a nih theih renga, member-te tan hian lehkhahu hawh man chawi a ngai tawh lo.

Lehkhahu chhiar leh ngaiat kawngah hma sawn deuh deuh turin veng chung mipuite kan insawm e.

THISEN PEK RUNPUI NEI DAWN

Branch Committee in a lo rel tawh angin kumin chhunga Civil Hospital, Aizawl Blood Bank nena ruahmanna siam a nih angin kan Branch hminga thisen pek thawh khatna chu July ni 18, 2026 (Inrinni) hian neih tum a ni

Thisen pek hun tur leh a hmun tur chu hetiang hian ruahmanna siam a ni:

A hmun: Govt. Model English Primary School (Pu Kaia School)

A hun: July ni 18, 2026 (Inrinni) dar 10:00 AM atanga chawhnu dar 2:00

Kumin chhunga kan Branch-in thisen kan pek tur hi tum thum neih tura ruahman a ni a, Section pahnh zel inkawpa pek tura duan a ni. Hun hmasa berah hian Vanapa Section leh Neuva Section-ten an pe dawn a; Vanapa Section leh Neuva Section hruaitute chuan an Section huamchhunga awm zawng zawngte thisen pe turin an insawm tak meuh meuh a ni. Tin, Section ruat bik kan nih loh avanga inthlarung lo turin Section dante pawh kan inngen a, mahni remchan hun a nih chuan he hunah hian thisen hi a pek theih renga ni.

MARYMA	PHEK 2-NA	RN YMA CHANCHINBU
 LEILUNG DUAT THIAM A PAWIMAWH <i>Mizoram hi kan pi leh pute hun aṭang tawh ramngaw leh nungcha tinrengin a chei mawi, boruak thianghlim leh khawchin nuam tak nei kan ni a. Mahse, tun hnaia kan khawvel leh kan chhehvel boruak inthlakthleng chak dan hi hmuh hmaih rual a ni ta lo. Khawlum a sa tial tial a, ruah tui a tlak hun bi a hriat tawh loh va, fur alo thlen lahin tui nut avangin tui hnianghnar takin kan hmu theilo fo ta. Environment kan hlut loh leh kan humhalh loh man hi kan la tuar dawn chauh ni te pawhin a lang.</i> <i>Ram hmasawwna kan umna kawngah hian mihringte hian duh am takin kan chhehvel kan khawih chhia a. In thar mawi tak tak kan sa a, kawngpui zau leh changkang zawk kan lai a; mahse, chuta lo chhuak leivung leh thil hnawh hrang hrangte awmze nei lova kan paih liam mai mai ṭhin hian nghawng pawl tak a nei zui tlat. Ruah tui a lo tlak in kan leivung leh bawlhhlawh te chu kan luikawr leh tui tlan ber lui ah te a luang lut a, tih thianghlim theih loh khawp a bawlhhlawh a nih ṭhin avangin kan hriselna atana pawimawh ber, tui thianghlim kan neih loh phah ṭhin zawng a nih hi.</i> <i>Environment humhalh tur hian sawrkar hmalakna ringawt hian ram a ti dam thei lo a, mimal tin hian mawhphurhna kan lak a ngai a ni. A remchanna apianga thingphun uar te, nungcha leh sava riral mek te thah loh te, leh bawlhhlawh, a bik takin plastic chi hrang hrang duh duh hmuna paih lo tura kan ṭan zual sauh sauh a ngai.</i> <i>Ram kan hmangaih a, kan ram hlutna kan vawng nung duh a ni ngai chuan, kan environment hi kan chhanhim a ngai a. Thing pakhat kan phun hian boruak thianghlim chauh ni lo, kan tui hna kan humhalh tel a, kan thlahte tan hmalam hun eng kan siamsak a ni tih kan hriat tel a pawimawh. Vawiina kan thiltih hian naktuka kan ram hmelhmang a hril dawn a, kan tu leh fate tana chenna tlak, ram nuam leh thianghlim din turin ṭan i la zel ang u.</i>	 MIZO HMEICHHIA THANGCHHUAH LEH SAKEI ÂI THEI, NU RORUM PI ROKHAWLI Chawngtlai khua-ah hian thil danglam tak hmuh tur a tam hle mai a. Chung rohlu pawimawh tak tak te chu ngaihsak lovin kum rei tak an lo awm tawh a. Chutianga ngaihsak lo taka a awmlai pawh chuan, a hlutzia leh ro thil hlu a nih zia hria in, Chawngtlai pa Denis C. Laltlangmawia chuan ama mimal ṭhahnem ngaihna in a riral loh nan a theih tawp chhuahin a lo enkawl ṭhin a. Hetiang a ṭhahnem ngai taka a lo humhalh tang tang zingah hian, Mizoram Thingtlang thlanmual hmasa ber ni a hriat, kum 1924 kum aṭanga mumal taka an lo inphumna Thlanmual hi a hlut awm in, he Thlanmual aṭang hian History tam tak a hriat theih a ni. He thlanmual hi lo ah vawi li vawi nga vêl neih tawh a nih avângin, thlan lung tam zawk phei chu a kang bung nual tawh a ni. He thlanmual a phum zingah hian Chawngtlai nu ah chuan nu ropui leh huaisen em em, Mizoram pum ang pawh a nu chhuanawm tak tling phak, hmeithai pakhat thlan a awm a, a pasalin a thihsan avâng a hmeithai ta a ni. Rokhawli hi kum 1840 vela piang ni a hriat a ni a, Nikuala'n Pâwih ral a do vânglai tak hi a vânglai hun a ni hmel a ni. He hmeithai huaisen tak hian in lam leh ram lamah thang a chhuah mai bakah, Sakei a âi a, Buh ṭin 1500 a thlo chhuak bawk a ni. Mizo Hmeichhiate zingah Sakei âi leh Thang chhuah hi sawi tur an vâng hle a. Hmeithai Buh tin 1500 thlo chhuak thei pawh hi an vâng hle. Hmanlai Pipute huna Thangchhuah pa an tih chuan, sa chi hrang hrang kah bakah râl an thah ngei a ngai a. Chutiang a nih si chuan Pi Rokhawli hi Thangchhuah nu a nih si chuan, Sakei aṭanga Rulgan thlengin a thah mai bakah, ral a that ngei tihna a ni a. A Sakei thah phei hi chu a âi hial a ni tih a thlan lung aṭang hian a hmuh theih. Pi Rokhawli hi Mizo hmeichhiate zing a thangchhuah awm chhun leh Sakei âi awm chhun a nimai ang em? Pi Rokhawli, Mizo nu huaisen leh ropui tak hi, Mizo mipuite hriat miah lovin kum 88 mi niin Thingtlang thlanmual hmasa ber ni a hriat, Chawngtlai thlanmualah hian an lo zalh reng a ni. A thlan lung ziak hi a fiah tawh loh avângin, lehkha-a inziak hi a thlan lunga thuziak a ni a, tih danglam leh chei lohvin a nihna ang ang hian humhalh tlat a ni.	MIZO NU HUAISEN, PI ZADINGI (Sakei Chek Hlumtu Kha) Pi Zadingi, sakei chek hlumtu kha, Middle school hindi ah khan an zir ṭhin a, a ni chanchin kha hre lo pawh an âwm lo e, ti ila, ka sawi sual awm lo e. Pi Zadingi hi buarpui khua niin kum 1951 khan a lo piang a. Mizo nu ah chuan liam lam hret niin a mah hmu te'n an sawi. A pasal hi pu Lalthanmawia niin thingtlag mi dang te ang bawkin lo nei a eizawng ve in an khawsa ve naw naw a. Tûna kan ziah lan tur thil hi, Ni 3 July, 1978 a thil thleng a ni a. Hemi ni hian Pi Zadingi hi nau no pawm a la nih a vângin dai hnaiah thing tuah la in a kal a. Keipui sum 5 lai a chek hlum a nih kha. "Ama sawi dan chuan hemi ni hian Buarpu leh Kawnpu inkâr kawngah thing phur turin a chhuak a, thing a han êh lai tak chuan thawm mak tak mai, ri deuh hulh hulh hi a hria a. A thlang lam an hawi chuan hnim kêr aṭang chuan Sakei lian zêt mai lu hi a rawn lang ṭial sen ruai mai a. A têt tuar tuar hnu chuan Sakei lu chu a tlum leh zuk a, mahse a rawn bei ngei dawn tih a hre thiam nghal mai a. A fa sen in lama awm chu a hre chhuak zawk a. Thihsan thei a ni lo tih a in hria a, ka tlan ang nge ka chek ang aw ti a, a in ngaihtuah lai takin Sakei chuan a rawn zuan ta ngei a. Mahse mizo nu huaisen chuan inseh tir mai a tum lo. Têt teng tung chung chuan a hreipui chuan a lo chek a. Sakei chal darah tak mai thluak bâw hawk khawpin a lo chek nghek mai a ni." Amah pawh hi sakei hian a ban tha chat ṭhawt khawpin a lo ham ve bawk a. A kiu a thisen luang zawih zawih chung chuan Pi Zadingi chuan "A lo chet leh vaih chuan ka chek leh ang," ti in a bul a sakei lian tak ke tin chhuah ṭhu a, tawm chul mai chu a hreipui nen chuan a la tin reng a ni. Pi Zadingi hi India President, Sri Zail Singh chuan huaisen lawmman Tangkapui Souria Chakra leh thla tin Rs 40 a pe tel a ni. Sakei te hi sa luhlul leh ngêng tak mai an ni a, sa zinga a huai ber a inngaihna chang an hre ngawt pawh hi mak tak a ni. Ramsa zinga kâwlh ber leh awihawm loh khawpa chak an nih vang nge ni, ramsa dang han sual ngam loh pawh hi an nei meuh lo a ni. Mahse, pipu te erawh kha chuan sa zahngai leh zaidam ber pawlah an sawi thung. A chhan pawh, a dam ṭha pangngai leh hliam lo hi chuan mihring leh rante hi an khawih ngai lem lo a ni.
Editor: Vanengmawia (7085878827); Jt. Editors: A. Lalfakzuala, Lalrotluangi Zote, , Henry VL Nghilhlova Zote Manager: Lalremsanga Hnamte (8974845644); Asst. Managers: Zodingliana, Lalrinchhana, Lalrinawma News Editors: Lalrintluanga, Lalrawntluanga, Andrew Lalmalsawma, Samuel R. Lalmangaiha, D. Lianmanga, Vanalremruatpuia Ralte Circulation Managers: PB Lalhupazauva, Samuel Lalhluipua, Hmingthanzuala, Vanlalrinkima, R. Zodinsanga, Zothankhuma, Lalrinchhana, K. Lalmuanpuia		

**ZIN & HAW**

■ B. Lalremruati d/o Lalrochama, V-Sec. chu a zirna hmun Vadodhara, Gujarat-ah a kal leh ta.

■ Pi Lalhlimpuii w/o F. Lalñanpuia, T-Sec. chu Kolkata atangin in lamah in enkawl chhonzawm turin an lo haw.

■ Tv. Lalruatpuia s/o Lalñanpuia, C-Sec. chu a hna thawhna hmun Mamit atangin thil pawimawh buaipuiin a lo haw.

■ Pu FK Lawmsangzuala, N-Sec. Guwahati-a in check-up a kal chu a lo haw leh ta.

■ Dr. F. Lalhmingthanga, N-Sec. chhiattawhna avanga Manipur-a zin chu a lo haw leh ta.

■ Pu Hrangdailova leh a fapa Tv John Lalduhawma, S-Sec. te chu Kolkata-ah inentir turin an kal. An nu Pi Lalñankimi'n a kalpui.

■ Pi Kamdingliani, S-Sec. Guwahati-a a mit zai chu dam takin a lo haw leh ta.

■ Pu Lalhnehliana, K-Sec. in check-up a Kolkata-a kal chu a lo haw leh ta, an nu Pi Zothansangi'n a kalpui.

■ Pu Lalnunmawia te chhungkua, C-Sec. an fapa check-up a Delhi kal chu dam takin an lo haw a, Pu Mawitea hi a hnathawhna hmun Champhai lam panin a kal leh nghal.

■ Pu Lalduhzuala s/o Pu K. Lalruata, N-Sec. chu Delhi ah in checkup-in turin an kal.

**KOHHRAN**

■ **Presbyterian Kohhran, Ramhlun North:** Ni 11-12, July, 2026 chhung hian Ramhlun North Pastor Bial, Kristian Thalai Pawl, Kum Chanve Intawhkhawm chu Ramhlun North Presbyterian Kohhran ah nghah a ni dawn a ni.

■ **Roman Catholic:** Ni 12.07.2026 (Pathianni) hian Puithiam (Parish Priest & Asst. Parish Priest) hlui thlahna leh Puithiam thar lawm luhna Kohhran Hall tharah programme hman tum a ni. Puithiam te hi term1, kum nga 5 danin an inthlak kual thin a. Tun term erawh Covid avangin kum 7 min awmpui a ni.

**THILDANG**

■ Pu H. Lalruatlina (Ex-President), C-Sec. chu Dy. Resident Commissioner (DRC) Mumbai Mizoram House atangin Dy. Director (A), LESDE Deptt. ah sawn niin tunkar khan a post thar hi a zawm fel.

**LAWMAWM**

■ Pu Lalremsanga leh Lalhruaitluangi Pachaua te nupa, C-Sec. te chuan 4.7.2026 khan BN Hospital-ah fapa an nei.

■ Nl. Lalnunkimi c/o Pu Lalhlimpuii, N-Sec. chu MZU hnuia UG result tih chhuah ah B.Sc (Geology) ah topper a ni.

**DAMLO**

■ Pi Hrangthluaii m/o R. Zonunmawia, K-Sec. chu thawhah avangin Ebenezer Hospital-ah enkawl mek a ni.

■ Hannah Lalhmingsangi d/o Samuel R. Lalhmangaiha, K-Sec. chu Synod Hospital, Durtlang atangin dam takin a lo chhuak leh ta.

■ Pi Lalthangliani w/o PB Lalzuithanga, V-Sec. chu Heart Attack avangin Ebenezer Hospital-ah enkawl mek a ni.

■ Melody Zothankimi d/o Lallaisangzuala, C-Sec. chu taksa chaklohna avangin Rosewood Hospital-ah enkawl mek a ni.

■ Enok Vanlalpeka s/o Lalhlimpuii, K-Sec. chu Synod Hospital, Durtlang ah Ton-sil zai a ni.

■ Lalpekhlui d/o CH Lalnunkima, K-Sec. chu a zirna hmun Shillong atangin chawlh hmangin a lo haw.

ELECTORAL ROLL REVISION 2026 HRIATTIRNA

Electoral Roll Revision 2026 neih mek a ni a, ni 4.8.2026 thleng dilna hun hawn a ni. Dilna hrang hrang; kum tling thar (first time voter), insawn (transfer/shifting) leh siam that (correction) mamawhte tan mahni bialtu BLO te hnenah a tih theih e.

Special Intensive Revision (SIR) neih zawh taka mahni nihna diklo siam tha tura form fillup ho pawh kha ECI lamin data an synchronize loh avangin E. Roll hlui ang thoin a lo chhuak a, correction ngaite chuan tun hunah hian dilna thehluh leh vek tur a ni e. Dilna thehlut turte tana document thehluh tel ngai te :

1. Kum tling thar (Ni 1.7.2026 a kum 18 tling tawh chin) tân:

- 1) Passport size photo pakhat
- 2) Birth Certificate xerox attested
- 3) Ration card xerox attested /Residential Proof (Local Council / YMA hriatpuina)
- 4) Aadhaar number 5) Mobile number

2. Transfer (Hmun dang atanga Ramhlun North a rawn insawn tur) tân:

- 1) Passport size photo pakhat.
- 2) Residential Proof (Ration card xerox attested/Local Council / YMA Hriatpuina)
- 3) EPIC xerox attested. 4) Aadhaar Number 5) Mobile number

3. Siamthat ngai (correction) dil tur tan:

- 1) Aadhaar Number. 2) Mobile number.
- 3) EPIC card. 4) An siamthat duh lai tihchianna document, sawrkar pawmpui ngei.

Dil turte chuan mahni bialtu BLO te biakpawh hmasak ni se a tha ang e.

BLO te:

PART 1: Vanapa Section, Pu Lalrammawia (Valpuia) : 9862753609

PART 2: Chawngbawla Section, Dr. Lalrammuanpuia Hnamte (Muantea): 9436190370

PART 3: Taitesena Section, Nl. B. Lalramnghaki (Nutei) : 9612623218

PART 4: Neuva Section, Pu K. Vanlalrova (Rova) : 9862300713

PART 5: Saizahawla Section, Pu C. Lallianzuala (Mapuia) : 9862365843

PART 6: Khuangchera Section, Pu T. Lalrinmawia (Mawia) : 9612050543

**UI CHHUAK****KAN REPORT**

HIAN THENAWMTE
KAN HEK NI LOVIN
VENGCHHUNG TAN
KAN THAWK
A NI ZAWK

KAN
HRIAT MIAH
LOVIN
THENAWMTE TAN
HNAWKSAL LEH
RIMCHHIA KAN
THLEN PALH THEI
TIH HRIAIN, MAHNI
SEPTIC TANK
LEH TUI CHHE PAIHNA
I ENDIK FO THIN ANG U



VENGCHHUNG
MIPUTE
KAN THAWH
HONA ZARAH
HUN REI LOTE
CHHUNGIN
VENG THENAWMTE
ENTAWN
KAN NI DER MAI,
TRAFFIC MANAGEMENT
HRUAITUTE
I THAWHPUI
ZEL ANG U

RNLC
2025 - 2030

**PAWL DANG**

■ **MHIP, Ramhlun North:** MHIP, Ramhlun North ten an Day vawi- 52 pualin ni 6.7.2026 (Thawhtanni) khan Zemabawk a Ramhlun North Thlanmual tifaiin nileng hnattlang an nei a, member 60 vel thawkchhuakin Local Council member te leh Upa pawl te nen mi 100 vel an thawkchhuak thei a ni.

■ **Ramhlun North Football Club:** Aizawl District Football Association, Under-16 Boys Football Tournament 2026, July ni 21, 2026 a neih turah RNFC hminga tel a ni dawn a. Vengchhung naupang kum 16 hnuailam (01.01.2010 hnu lama piang), Under 16 tournament-a tel duh turte chu Ni 12.7.2026 (Pathianni) chawhma Inkawm banah YMA Committee Room, RSC Field-ah kalkhawm tur a ni e.

Hrechiang duh tan Pu Jonathan C. Lalrintluanga (9862375861) hnenah ngaihven theih a ni ang.

■ **Ramhlun North Cricket Club:** Ramhlun North Cricket Academy zirlai Vanlalnunpuui d/o Lalchhanhimi, N-Sec. chu Mizoram aiawh turin Women Under-15 One Day Trophy Plate Team 2026/27 final squad atan thlan a ni a, kan lawmpuiin duhsakna kan hlan e.

AROMA UNISEX SPA (5-4)

Therapist: 'Certified & Trained by
Founder. Specialized in Pain Relief
Therapy'

Kum 17 lai experience nei tawh. Sweden
leh Australian mi te hnen atanga zir
chhuak. Taksa na leh kham, ban phar tha
thei tawhlo, kawng na, dar na leh kham.

Lu na benvawn nei. Nerve thalo leh
Sciatica vanga harsatna nei te tan. Pan
theih reng kan ni e.

Ramhlun North Industry Peng bul, SBI
Bank hnuai chiah.

Call/WhatsApp: 8794752295

MARYMA	PHEK 4-NA	RN YMA CHANCHINBU
ARTICLE	RUIHHLO DO	ADVERTISEMENT
- B. Malsawmpuia, S-Sec.		
Tun hnai khan Central YMA leh Damdawi dawr neitute inhmukhawm chuan Dak in kal tlanga khuh damdawi chah luh a tam thu leh do a ngaih thu uluk takin an sawi ho a, hetiang hi kan dinhmun a lo nih takah chuan kan do mek Ruihhlo hian a huam zau tawh viau niin a lang. Ruihhlo hi mihring nun, chhungkua leh ram hmasawнна daltu lian ber a nih avangin nasa taka do let a, tihbo tum hi hnam himna leh hmasawнна tura hmalakna pawimawh tak pakhat a ni. Eng vangin nge kan do ang?: Mihring nun titawitu lian ber chu Ruihhlo hi a ni. Mihring taksa leh thluak tichhetu hi a ngawl vei tawhte chuan rilru lamah harsatna, manganna, thinrimna leh ngaihtuahna dik lo an nei sam em em a; chuvangin, ruihhlo ngawl vei awmna chhungkuaah chuan tharum thawh pawisak lohna hial a lo awm a, a ralmuang thei thin lo. Hriselna lama a nghawng pawl theih piaḥ lamah ram hmasawнна dinhmun pawh nasa takin Ruihhlo hian a ei ral mek a, sorkar pawhin a dona kawngah ṭan lain sum tam tak a seng mek a ni. Mizoramah nikum kum 2025 chhung khan mitthi mipa 5183, hmeichhia 2897, an vaiin mi 8080 an awm a. Heng zinga mipa 93 leh hmeichhia 18 lai chu chiang takin Ruihhlo avanga thi an ni a; kum 20 liam ta chhunga ruihhlo avanga mitthi awm tam ber kum a ni. Hei bakah hian natna hrang hrang avanga thi zingah ruihhlo kaihnawih kal zel natna avanga thi hi mi eng emaw zat an awm ngei ngei ang tih chiang takin a hriat theih bawḥ. Ruihhlo hi mimal, chhungkua leh khawtlang anga nasa zawka kan do sauh sauh a ṭul ta takzet mai! Eng tianga do tur nge?: Ruihhlo dona hi kawng hrang hrangin a kalpui theih a, a bul berah chuan inzirtirna hi hei aia uar deuh zawka kan kalpui thar a ngai a ni. Chhungkuaah leh kohhranah te, school leh college, zirna sang zawḥ thlenga a la ti ve lo zawng zawngte hnenah a pawl theih zia uar taka kan hrilhṭiaḥ a ṭul. Hemi atan hian he lama thawḥ te leh tlawmngai pawlṭe chet hun kher nghak lova thuneitu ten midangte hrilhṭiaḥ thei tur khawpa kan inzir zau ve pawh a ṭul ngei ang. Dan leh thupek khauh taka kenkawh hi ruihhlo do nana thil pawimawh tak pakhat a ni bawḥ. Sorkarin kum 2025, September thla aṭanga ruihhlo do beihpui Operation Jericho a kalpuinaah kumin March ni 2 thleng khan Ruihhhlo cheng vaibelchhe 316 chuang an man a. Hetianga ruihhlo dona an kalpui hma pawh hian ruihhlo emaw eng emaw zat chu kum tin tlawmngai pawlṭe nena ṭangkawpa man a lo ni tawh. Ruihhlo avanga mante hremna dante hi a ṭha tawḥ lova kan hria a vawiin thlenga Ruihhlo zuartute an la huangtau zel a nih chuan, thuneitu sang zawḥ ten hremna dan khauh zawka an siamte pawh a ngai ang. A ruka Ruihhlo tawlh avanga tun hnaia rawn hausa hluai ho hi ngaihsan loh kan inzirtir a ṭul hle. Chumi atan chuan heng mi kan hriatchiante hi chu timualpho kher lo pawhin kohhran leh khawtlanga chanvo kan siamsak loh thiam a, kan ngaihsan loh tak tak hunah kan ram hian hmasawнна rahbi thar a chhuah thei ang. Thu dik, mi dik ṭan ngam ni vek ila, kan ramah hian ruihhlo donaah rahbi thar kan kai dawn a ni. Kumin kum tir lama Central YMA President-in kumpuan thupui a hawнна khaw pakhat Mamit district chhunga Khawrihnim khuaah chuan ruihhlo bawiha tang (addict) an awm lo niin puan a ni a, hetiang khua Mizoram chhunga a la awm hi a ropuiin an chhuanawm takzet a ni. Eng tiangin nge an khuain Ruihhlo do beihpui an thlak tih te pawh zirchiana a theih anga an tih dan entawnte pawh a ṭangkai hle ang. Kan thenawm ram buaite avangin tun hnaiah ralṭlan tam tak loh theih lohin kan ramah an lo lut a, hei hian ruihhlo a tihluar deuh em tih zawhna tam tak a siam mek. Central YMA leh Mizorama Kohhran hrang hrang hruaitu rual kalkhawm pawhin ṭan hova hma lak dan an ngaihtuah nghal bawḥ a. Kohhrana lehḥa pawimawh pek chhuah thinah te fimkhur turin an inchah a. YMA hruaitute, Kohhran hruaitute leh Zirlai Pawl hruaitute hi kan ṭan ho thiam phawṭ chuan Ruihhlo hluar zelna turah kawng tam takin rah ṭha a chhuah zel dawn a ni. A tawp berah chuan Ruihhlo do hi mihring nun himna leh ram hmasawнна atana hmalakna pawimawh ber a ni tih hi hre nawn leh ang u. Zirtirna, dan khauh taka ken kawh, ngawlveite chhanchhuahna kawnga tih tak takna leh chhungkaw inekawlṭna ṭha tak a awm chauhin Ruihhlo hi hi kan do hneh thei ang. Chumi tan chuan mi tin, mahni hmun ṭheuhah theih tawp chhuah a ngai a ni. (Kum 2026 YMA Day Article Inziahsiak pahnihna)		
SP TUI Tui hna thianghlim, ei leh in tlak, litre 2000 pickup trip kan pe thei e. Mobile: 9615789047 (15-7) VANCHHAWNGSEPTIC TANK Septik tank khat englai pawh in kan paih fai thei a,repair,commod block,pippe block kan siam thei bawḥ e, Rate: Inbiakremna Ph. no: 9615458679 (10-10) MD SEPTIC TANK SERVICE Septic Tank paih fai leh commode block, soak pit hlui leh a thar kan siam thei a, pipe fitting engkim kan thawḥ thei e. Rate: Inbiakremna Ph: 8258950077 (10-9) VANLALFELA SEPTIC TANK Septic tank paih fai, commode block, pipe, soak pit ṭha lo leh a thar pawh kan siam thei reng e. Kan sulhnu a felfai a, service hlun leh rin tlak kan ni e. Hmanrua engkim kan intodelh bakah kan rate a tlawm e. Contact: 9436199884 (10-9) L.H. SEPTIC TANK SERVICE Septic tank paihfai leh repairing engkim kan thawḥ thei e. Kum 17 chuang experience nei kan ni e. Rate: 4500/- per trip Ph.: 6909183193 (10-8) KHIANGTE SEPTIC TANK SERVICE Septic Tank khat paihfai, khur chhung lutin, Comode Block, Soak pit thar siam, Pipe Repair engkim a neitu te lungawi na thlap in kan thawḥ thei e. Contact - 9862344971 Bawngkawn South (10-9) JM SEPTIC TANK SERVICE Septic tank khat paih fai, comode block, pipe fit, soak pit tha lo leh a thar pawh kan siam thei reng e. Kan sulhnu a fel fai a, service hlun leh rintlak kan ni e. Rate: inbiak remna. Registration: MRS 542 Contact: 9862476439 (10-6) TLUANGTEASEPTIC TANK SERVICE (10-6) Septic tank khat paih leh repair kan ti thei reng a, rate chu inbiakremna a ni ang. Contact: 6033373188/9612376373 C/o Marina: 9436140350 MAFELA SEPTIC TANK SERVICE Septic Tank khat paih fai, commode block, pipe fit, soak pit thar siam engkim kan ti thei e. Rate: Inbiakremna Ph: 9233440125 (10-7) SAWMASEPTIC TANK SERVICE Septic Tank khat paih fai, Commode block, Pipe Fit, Sockpit thar siam, engkim kan thawḥ thei e. Rate: Inbiakremna Ph: 8119969364 (10-10) RAMHLUN NORTH SEPTIC TANK KHAT TAN Septic Tank Paihfai leh Repairing engkim kan ti theih e. Comode “Block, Pipe Fit,Ek in khur leh,Soak pit tha lo,a thar pawh kan siam theih reng e” (20-2) RATE: INBIAKREMNA Mb-9863524969 / 9383178166 ALLCLEAN SEPTIC TANK SERVICE Septic Tank paihfai, a khurpui repairing leh a thar siam, pipe fitting, commode block, soakpit a hlui repair leh a thar siam, etc. engpawh kan thawḥ thei vek e. Eng hunah pawh koh theih kan ni e, en man a awm lo e. (10-1) Rate: Inbiakremna Contact: 6009002567 KC TUI Tui thianghlim leh fim ṭha em em, Pick up in litre 2000; tlawm takin kan pe thei e. Ph: 9774 223 462 / 7005 010 327 (10-4)		
Published & edited by Vanengmawia for and on behalf of Ramhlun North Branch YMA. Copies- 1,270		